

ՀԱՇՎԵՏՎՈՒԹՅՈՒՆ
ՏԵՂԱԿԱՆ ԻՆՔՆԱԿԱՌՎԱՐՄԱՆ ԵՎ ՀԱՆՐԱՊԵՏԱԿԱՆ ԳՈՐԾԱԴԻՐ
ՄԱՐՄԻՆՆԵՐԻ ՀԱՐՑԵՐՈՎ ՎԱՐՉՈՒԹՅԱՆ 2015 ԹՎԱԿԱՆԻ 1-ԻՆ
ԵՌԱՄՍՅԱԿՈՒՄ ԿԱՏԱՐԱԾ ԱՇԽԱՏԱՆՔՆԵՐԻ ՄԱՍԻՆ

Հաշվետու ժամանակաշրջանում համագործակցված աշխատանքներ են տարվել հանրապետական գործադիր մարմինների տարածքային ծառայությունների հետ, ապահովվել է մարզի կապի, էներգետիկայի, հարկային, արտակարգ իրավիճակների, զինկոմիսարիատների, ոստիկանության հանրապետական գործադիր մարմինների տարածքային ծառայությունների համագործակցությունը տեղական ինքնակառավարման մարմինների հետ :

«Համայնքային ծառայության մասին» ՀՀ օրենքի 35.2-րդ հոդվածի 1-ին մասի «բ» կետի համաձայն և ՀՀ փոխվարչապետ, տարածքային կառավարման նախարարի կողմից հաստատված տարեկան ծրագրին համապատասխան 2014 թվականին ՀՀ Վայոց ձորի մարզի Ռինդի, Խնձորուտի, Աղնջաձորի, Կարմրաշենի, Սերսի, Հորբատեղի, Վարդահովիտի և Նոր Ազնաբերդի գյուղապետարանների աշխատակազմերի կադրային գործի վարման նկատմամբ ՀՀ տարածքային կառավարման նախարարության կողմից իրականացված վերահսկողության արդյունքում հայտնաբերվել են թերություններ ու բացթողումներ Տեղական ինքնակառավարման և համայնքային ծառայության մասին ՀՀ օրենքների պահանջների կատարման ուղղությամբ :

2015 թվականի առաջին եռամսյակում կազմակերպվել են քննարկումներ բացահայտված թերությունների վերացման կապակցությամբ . ցուցաբերվել է մեթոդական , խորհրդատվական օգնություն:

Ձեռնարկված միջոցների արդյունքում նշված թերությունները վերացվել են:

ՀՀ Վայոց ձորի մարզպետի 16.01.2015 թվականի թիվ 01/08.1/143-15 գրությամբ թերությունների վերացման վերաբերյալ ՀՀ տարածքային կառավարման և արտակարգ իրավիճակների նախարարություն է ներկայացվել տեղեկատվություն:

Նախապատրաստվել է ՀՀ Վայոց ձորի մարզպետի՝ Հայաստանի Հանրապետության Վայոց ձորի մարզի բնակչության պաշտպանության համակարգի նախապատրաստման 2015 թվականի հիմնական միջոցառումների պլանը հաստատելու մասին որոշման նախագիծ, որը հաստատվել է 14.01.2015 թվականին մարզպետի N 1 որոշմամբ:

Նախապատրաստվել է ՀՀ Վայոց ձորի մարզպետի՝ Հայաստանի Հանրապետության Վայոց ձորի մարզի համայնքներում 2015 թվականին բնակավայրերի սանիտարական մաքրման, ծառատնկման և

կանաչապատման միամսյակ անցկացնելու մասին որոշման նախագիծ, որը հաստատվել է 18.03.2015 թվականին մարզպետի N 26 որոշմամբ:

Առաջին եռամսյակի ընթացքում ներ է դրվել համայնքային ծառայողների գրանցամատյանի էլեկտրոնային կառավարման համակարգը:

Հաշվետու ժամանակաշրջանում 2 համայնքային ծառայողներ ատեստավորվել են:

Օրենքով սահմանված կարգով ՀՀ տարածքային կառավարման և արտակարգ իրավիճակների նախարարություն ներկայացվել են առաջարկություններ Եղեգնաձորի քաղաքապետարանի, Արենիի, Սերսի և Ելիհի գյուղապետարանների աշխատակազմերի համայնքային ծառայության պաշտոնների ավանագանկերում փոփոխություններ կատարելու վերաբերյալ:

ՀՀ կառավարության 2014 թվականի մարտի 6-ի թիվ 214-Ա որոշման համաձայն համայնքներին տրամադրվել է տեղեկատվություն 2014 թվականի երկրորդ կիսամյակում ՀՀ ոստիկանության անձնագրային և վիզաների վարչության բնակչության պետական ռեգիստրում հաշվառված և հաշվառումից հանված քաղաքացիների տվյալների վերաբերյալ:

ՀՀ կառավարության 2009 թվականի մայիսի 21-թիվ 562-Ն որոշման 1-ին կետի 2-րդ ենթակետով հաստատված թիվ 2 հավելվածով ՀՀ մարզպետների կողմից կատարած աշխատանքների վերաբերյալ ներկայացվել է տեղեկատվություն համապատասխան պետական մարմիններ:

Ընդունել ենք միգրացիայի հետ խնդիր ունեցող 71 քաղաքացու դիմում, սահմանված կարգով տվել ընթացք: ՀՀ տարածքային կառավարման և արտակարգ իրավիճակների նախարարության միգրացիոն պետական ծառայության կողմից ստացել ենք 16 քաղաքացու դիմումի պատասխան:

Համակարգվել են տեղական ինքնակառավարման մարմինների կողմից կատարված աշխատանքները :

ՏԻՄ օրենքի պահանջների կատարման նպատակով աշխատանքներ են տարվել ավագանու նիստերի հրավիրման ժամկետների պահպանման, ընդունված որոշումները օրենքով սահմանված ժամկետում մարզպետարան ներկայացնելու, որոշումները ՀՀ օրենսդրությանը համապատասխանեցնելու, ընդունված իրավական ակտերի և բյուջեների հրապարակայնության ապահովման ուղղությամբ :

Համակարգվել է ՀՀ Սահմանադրությանը և ընթացիկ օրենսդրությանը հակասող մարզի ՏԻՄ-երի կողմից ընդունված որոշումները մարզպետի պահանջով վերանայելու գործընթացը:

Համակարգվել են համայնքային բյուջեների կատարման ընթացքի վերաբերյալ համայնքների ղեկավարների կողմից ավագանուն տրված եռամսյակային հաղորդումների և տարեկան հաշվետվությունների տրման աշխատանքները, ինչպես նաև համայնքների ղեկավարների կողմից 2014

թվականի կատարած աշխատանքների վերաբերյալ տրված հաշվետվությունների գործընթացները:

Հետևողական աշխատանքներ են տարվել համայնքներում ՏԻՄ-երի գործունեության հրապարակայնության ապահովման ուղղությամբ : Այդ նպատակով մարզի բոլոր համայնքներում տեղադրվել են ցուցատախտակներ, որոնց միջոցով համայնքների ազգաբնակչությունը իրազեկվում է համապատասխան տեղական ինքնակառավարման մարմինների գործունեության վերաբերյալ :

Հետևողական աշխատանքներ են տարվել համայնքների ավագանիների դերակատարության ու պատասխանատվության բարձրացման ուղղությամբ : Համայնքի ղեկավարների և ավագանիների կողմից կազմակերպվել է քաղաքացիների ընդունելություն և հանդիպում համայնքի բնակչության հետ :

Համայնքներում իրականացված միջոցառումների վերաբերյալ ՀՀ տարածքային կառավարման և արտակարգ իրավիճակների նախարարություն է ներկայացվել եռամսյակային հաշվետվություն:

ՀՀ տարածքային կառավարման և արտակարգ իրավիճակների նախարարի կողմից հաստատված աշխատանքային ծրագրի համաձայն վարչական հսկողություն է իրականացվել մարզի Արտաբույնքի, Արփիի և Ելփիի գյուղական համայնքներում :

Հսկողության ժամանակ արձանագրվել են թերություններ և բացթողումներ <<Տեղական ինքնակառավարման մասին>> , <<Համայնքային ծառայության մասին>> , <<Իրավական ակտերի մասին>> ՀՀ օրենքների, <<Տեղական տուրքերի և վճարների մասին>> ՀՀ օրենքների պահանջների կատարման ուղղությամբ :

Թերությունների և բացթողումների վերաբերյալ կազմվել են ակտեր , քննարկվել և սահմանվել են ժամկետներ թերությունների վերացման ուղղությամբ:

Կազմվաց արձանագրությունները և հայտնաբերված խախտումները սահմանված ժամկետում ներկայացվել են ՀՀ տարածքային կառավարման և արտակարգ իրավիճակների նախարարություն և տեղադրվել մարզպետարանի կայքում:

Վարչությունը համագործակցված աշխատանքներ է տարել ՏԻՄ ընտրությունների կազմակերպման ուղղությամբ.

- Համակարգվել է 2015 թվականի մարտի 15-ին կայացած Չիվայի, գյուղական համայնքի ղեկավարի ընտրությունների գործընթացը:

- ՀՀ տարածքային կառավարման և արտակարգ իրավիճակների նախարարություն է ներկայացվել գրություն համապատասխան հիմքերով՝ Թառաթումբի համայնքի ավագանու լիազորությունները վաղաժամկետ դադարեցնելու վերաբերյալ:

Առաջին եռամսյակի ընթացքում ՀՀ վայոց ձորի մարզի բնակիչներից ստացել ենք 8 դիմում բողոք, բոլոր դիմումներին տրվել է ընթացք սահմանված կարգով:

Վարչությունը ապահովել է մարզի ՏԻՄ-երի և մարզպետարանի աշխատակազմի փոխհարաբերությունները .

-կազմակերպվել են խորհրդակցություններ, անհրաժեշտ տեղեկատվության տրամադրման և ստացման աշխատանքները,

-ապահովվել է մարզխորհրդի նիստերին ՏԻՄ-երի և ՀԳՄ տարածքային ծառայությունների մասնակցությունը:

Կազմակերպվել են մարզպետի այցելություններ մարզի համայնքներ : Համակարգվել են այցելությունների ընթացքում բարձրացված խնդիրների կարգավորման աշխատանքները :

Առաջին եռամսյակի ընթացքում ՏԻ և ՀԳՄ հարցերով վարչությունը պատասխանել է 195 գրության:

ՏԻ և ՀԳՄ հարցերով վարչության պետ `
01.04.2015թ.

Ն.Սիմոնյան